

欽定八旗通志
(39)

欽定八旗通志卷二百二十五

人物志一百五

忠義傳十七

蒙古八旗二
康熙十三年至十四年共六十二人

博洛

博洛蒙古鑲黃旗人以護軍校官護軍叅領事得

巴圖魯號康熙十三年從征湖廣逆藩吳三桂與

賊力戰陣亡

恩賜雲騎尉世職

承襲詳見
世職表

圖爾猛額

圖爾猛額蒙古鑲黃旗人任佐領委叅領駐防江寧於康熙十三年調遣隨征至江西吉安府遇敵力戰陣亡

賞卹如例

博喜圖

博喜圖蒙古鑲黃旗人任護軍校康熙十三年十二月二十三日從征四川至朝天關僉將王屏藩

等分兵環攻我軍博喜圖力戰歿

恩賜雲騎尉世職

承襲詳見
世職表

費揚武

費揚武蒙古鑲黃旗人上駟院牧長墨爾根托克
推之次子也任二等侍衛在鑾儀衛內行走康熙
十四年隨貝子傅臘塔征海寇鄭成功至浙江將
渡錢塘賊統兵四萬拒戰費揚武挺身擐敵三入
而三出之大敗賊衆事

聞奉

諭曰費揚武猶勝於張飛可比趙子龍也進征福建至海澄被執賊百計誘降叱曰我若降異日將何顏面聖耶遂自刎

賞卹如例

拜海

拜海蒙古鎮黃旗人姓巴林氏世居巴林地方初襲父額森三等輕車都尉世職康熙十四年隨定

南將軍希爾根征逆藩耿精忠至江西遇賊將李茂珠等於建昌府南鐘鼓山力戰陣亡

恩賜二等輕車都尉世職

承襲詳見世職表

白杜

白杜蒙古鐵黃旗人康熙十四年以佐領從大兵征江四至南昌擊賊陣亡

恩賜雲騎尉世職

承襲詳見世職表

格得德

格得德蒙古鑲黃旗人任驍騎校署叅領康熙十
四年隨大兵征逆藩吳三桂於雲南力戰陣亡

賞卹如例

羅漢

羅漢蒙古鑲黃旗人姓白氏世居喀喇沁地方康
熙十四年以驍騎校隨寧南靖寇大將軍順承郡
王勒爾錦征逆藩吳三桂至湖廣襄陽府僞將軍
張義禪王惠等率衆萬餘來犯羅漢執肅進戰於

二郎岡陣亡

恩賜雲騎尉世職

承襲詳見世職表

嵩夏

嵩夏蒙古鑲黃旗人姓柯勒德氏世居科爾沁地方康熙十三年以前鋒校從征逆藩吳三桂至朝天關隨前鋒統領穆占擊敗偽將石存禮等進至保寧復敗偽將吳應龍等又擊敗於蟠龍山小梅嶺龍潭驛等處俱有功十四年進攻秦州遇賊力

戰陣亡

恩賜雲騎尉世職

承襲詳見
世職表

墨度

墨度蒙古正黃旗人任七品官康熙十三年從征
逆藩吳三桂至湖廣擊僞將吳應麒馬寶李之鳳
僞總兵蕭輔成等於南汛江口諸處咸有功進至
洞庭湖僞將巴養元等率十艘列陣拒戰隨貝勒
尙善擊却之賊復來犯被創歿

恩賜雲騎尉世職

承襲詳見
世職表

額爾陳

額爾陳蒙古正黃旗人任護軍校康熙十三年從

征逆藩吳三桂至湖廣攻偽將巴養元等於洞庭

湖戰歿

恩賜雲騎尉世職

承襲詳見
世職表

圖武爾

圖武爾蒙古正黃旗人任護軍校康熙十二年隨

征逆藩吳三桂殿於陣

恩賜雲騎尉世職

承襲詳見世職表

色爾古楞

色爾古楞蒙古正黃旗人署護軍校康熙十三年
隨將軍都統赫業擊吳逆偽將軍王屏藩於蟠龍
山力戰陣亡

恩賞銀貳百兩

格洛爾圖

格洛爾圖蒙古正黃旗人由領催委署驍騎校駐防西安康熙十四年隨定西大將軍多羅貝勒董額征從逆提督王輔臣於秦州力戰陣亡

貧卹如例

蒙柯

蒙柯蒙古正黃旗人由領催委署驍騎校駐防西安康熙十四年隨定西大將軍多羅貝勒董額征從逆提督王輔臣於秦州力戰陣亡

賞卹如例

鄂七拜

鄂七拜蒙古正白旗人姓他塔喇氏世居察哈爾
任驍騎校駐防江寧康熙十三年總督李之芳調
集官兵赴援浙江鄂七拜隨副都統胡圖會剿偽
將曾養性於台州至小梁山奮勇力戰歿於陣

賞卹如例

德色

德色蒙古正白旗人任八品官康熙十三年從征

湖廣至長沙力戰被傷歿於陣

賞卹如例

卓特巴

卓特巴蒙古正白旗人襲其叔拜思虎朗七品官
康熙十三年從大兵出征逆藩吳三桂至湖廣長
沙府遇賊力戰陣亡

賞卹如例

布達什

布達什蒙古正白旗人姓沙賓氏世居扎魯特康熙十四年以護軍校從定西大將軍多羅貝勒董額征從逆提督王輔臣於秦州力戰陣亡

恩賜雲騎尉世職

承襲詳見世職表

色楞

色楞蒙古正白旗人任佐領康熙十三年正月隨將軍赫業征四川至野狐嶺沿山擊敗賊三百餘

衆又敗其山林伏衆千餘又賊伏二千餘衆突出
迎戰奮擊敗之進至延平關有僞總兵率衆萬餘
據山險立鹿角列砲鎗連數營拒戰復大敗之六
月初六日抵盤龍山遇僞將軍王平範等衆四萬
排設砲鎗藤牌自我右翼水路後哨登陸攻我左
翼前後互擊力戰陣亡

恩賜雲騎尉世職

承襲詳見
世職表

賞銀五百兩十七年十二月初三日